

人

倭漢三才圖會

八 冊

獸類

卷  
四  
〇



植物  
13  
25

庫	文	閣	內
三〇函	六一冊	三〇二八號	和書類

內閣文庫		
番號	和	3028A
冊數	81 (25)	
函號	210	9







和漢三才圖會卷第三十八目錄

獸類

麒麟

白澤

駃騠

獬豸

象

犛牛

喫鐵獸

獅子

虎

毅

狡兔

犀

牯牛

黃腰獸

獬豸

駢虞

豹

獾

一角

野猪

口葉三才圖會

犬頁目錄



野馬

罷

鹿

麂

靈貓

風狸

豨

豨

やまね

豪猪

麋羊

麋

麋

猫

狐

權

狼

雙頭鹿

熊

山羊

麋

麋

狸

貉

木狗

黑青

麝香

檮杌 附 猥 附 山 獺 海獺 胡獺 祢豆布

兔 海鹿 水豹


水獺 水獺 水獺 獵虎

本草三ノ區

水滸三ノ區

二





和漢三才圖會卷第三十八

獸類

攝陽 城醫法橋寺島良安 尚順 編



麒麟

歸麟 正字見 廣雅

本細麒麟瑞獸鬣身牛尾馬蹄五彩腹下黃高丈二圓蹄一角角端有肉音中鐘呂行中規矩遊必擇地詳而後處不履生蟲不踐生草不羣居不侶行不入陷窄不羅羅網王者至仁則出也

三才圖會云毛蟲三百六十而麒麟為之長北曰麒麟曰麟牡曰麟牡鳴曰遊聖北鳴曰歸和春鳴曰扶幼秋鳴曰養綏王







四足王者獄訟平則至  
 說文云神人以獬廌遺黃帝帝曰何食何處曰食薦春夏  
 處水澤秋冬處松柏一云似鹿一角能別曲直皋陶治獄  
 其罪疑者令觸之故法冠有獬廌冠之名  
 五雜俎云諸獸中獨獬廌不經見神羊之名見於神異經  
 其言妄誕不足信攻歷代五行四夷志如麒麟獅子扶拔  
 騶虞角端史不絕書而獬廌多無聞焉則世固未曾有此獸  
 也自楚文王服獬廌冠而漢因之相沿至今動以喻執法  
 之臣亦無謂矣



白澤

澤獸

三才圖會云東望山有澤獸一名白澤能言語王者有德

明照幽遠則至昔黃帝巡狩至東海此獸有言為時陰



虎

鵬脫於李耳  
 和名上良

本細虎山獸君也狀如猫而大如牛黃質黑章鋸牙鈎爪  
 鬚健而尖古大如掌生倒刺項短鼻鼷夜視一目放光一  
 目看物獵人候而射之箭既及目光即墮入地如白石為  
 之虎魄人記其頭項之處月黑掘下尺餘得之猶人縊死  
 則魄入於地隨即掘之狀如麩炭之義虎吼聲如雷風從  
 而生百獸震恐立秋虎始嘯仲冬虎始交或云月暈時乃  
 交又云虎不再交孕七月而生又云虎知衝破能畫地觀  
 奇偶以卜食物隨月旬上下而齧其首尾其搏物三躍不  
 中則捨之虎食狗則醉狗乃虎之酒也聞羊角烟則走惡

口漢三十圖會 狀類卷三十八



其鼻也虎五百歲則變白凡虎有威骨如乙字長一寸在  
脇兩傍破肉取之令人有威帶之臨官佳無官則為人所  
憎虎害人獸而蝟鼠能制之智無大小也獅子驪虞駘黃  
腰渠搜能食虎勢無強弱也

爾雅云淺毛虎曰魏貓音白白虎曰魁音黑黑虎曰臙音似虎  
而有角曰鹿音

五雜組云山民防虎者有崖口缺虎常躍入迺以巨組縱  
橫而空懸之虎躍而下溪腎組上四足挿空不能作勢終  
不能脫矣又有以縹布地及橫施道側者虎頭觸之管其  
絀也凡之不得下則坐地上俄而遍體皆流怒號跳撲至  
死凡虎掘地一吼屋瓦皆震也中華馬見虎則便溺下不  
能行惟胡馬不懼獵犬亦然胡人射虎惟以二壯士發弓  
兩頭射之射虎逆毛則入順毛則不入前者引馬走避而  
後者射之虎回則後者復然虎雖多可立盡也

此布 かの虎すゝふさゝる旅まやちりおく社まひ

虎骨辛微用頭及頸骨色黃者佳藥箭射殺者不可

小兒煎湯浴之辟惡鬼去瘡疥驚癇治溫瘧及犬咬毒

作枕辟惡夢又云虎之一身筋骨氣力

虎膽治小兒驚癇疳痢等虎睛虎魄虎皮虎鬚亦佳

按日本紀欽明帝六年能辨鬼魅虎皮繫衣服亦佳  
相逐行至百濟濱日晚停宿小兒忽凶不知所之其夜  
大雪天曉始求有虎連跡帶刀擐甲尋至巖岫自稱而  
罵嘗虎進前開口欲噬巴提便忽申左手執其虎右手  
手刺殺剥取皮還虎者以獻之使昇擗而渡都顯其長  
丈餘也  
鮮明也

すうごう 酉耳

# 驪虞

ツエウイネ



和漢三才圖會

獸考

卷三十一

四



本細首耳狀似虎白而黑文尾長於身太平則至不食生  
 物食自死物見虎豹即殺之  
 三才圖會云周文王時見乘之曰行千里詩召南壹發五  
 豸干嗟半駟虞是也賈誼新書以詩駟虞為駟  
 人虞人非獸恐鑿說也



駟  
 音博

ホラ

茲白

本細及三才圖會云中曲山有駟狀如馬白身黑尾一角  
 虎足鋸牙能食虎豹音如振鼓佩之可以禦凶  
 說苑云藹食狷狷食駟駟食豹豹食駟駟食虎



毅  
 音斛

黃腰獸

本細黃腰獸似豹而小腹以上黃以下黑形類犬又云鼬  
 身狸首長則食母形雖小而能食虎及牛鹿



豹  
 音報

加名奈賀  
 豆可美

程 失刺孫

本細豹有數種遼東及西南諸山時有之狀似虎而小白  
 面團頭其毛赤黃色脊長行則脊隆如錢者曰金錢豹宜  
 為衣如艾葉者曰艾葉豹次之尾赤而文黑曰赤豹毛白



而文黑曰白豹皆自惜其毛米又西域有金線豹文如金線海中有水豹人乃難驅逐惟以豹皮覆之則畏不來豹畏蛇與鼯鼠而獅駭渠搜能食豹淮南子帽令虎申蛇令豹止物有所制也廣志狃死首丘豹死首山不忘本也豹皮不可藉睡令人神驚豹胎至美為八珍之一



豹 音 麥

本細獬似熊而頭小脚卑黑白駁文毛淺有光澤或云黃白色或云蒼白色象鼻犀目牛尾虎足多力能食銅鐵及竹骨蛇虺其骨節強直中實少髓其糞可為兵切玉其尿能消鐵為水其齒骨極堅以刀斧却碎落火亦不能燒人得之詐充佛牙佛骨以誑俚俗

獬皮 為坐毯臥褥寢獬皮避溫癘淫氣邪氣圖其形示避邪唐世多畫獬作屏風

啣鐵獸

曰啣鐵唐史云吐火羅國獻大獸高七尺食銅鐵日行三百里

本細南方有獸角足大小狀如水牛毛黑如漆食鐵而飲水糞可為刀其利如鋼石

豸

本細豸胡狗也胡地野犬也似狃而黑身長七尺頭生一角老則有鱗能食虎豹蛟龍銅鐵獵人亦畏之



豸兔

本細豸兔生昆吾山形如兔雄色黃雌白食丹石銅鐵昔吳王武庫兵器皆盡掘得一兔一白一黃腹中腎膽皆鐵



取鑄為劍切玉如泥五雜組云狄免遇鷹來撲輒仰臥以足擊其尻而裂之鷹即死

搃音

唐韻搃狀如獅子食虎豹及人神異經曰北方大荒中有獸咋人則疾名曰搃搃恙也嘗入人室屋黃帝殺之謂之無恙疾



象

搃音

伽耶說文作為字象耳牙鼻足

和名岐佐

本細象文趾雲南及西域諸國野象至成群畜之長則飾而乘之有灰白二色形體擁腫面目醜陋大者身長丈餘高稱之大六尺許肉倍數牛目纒若家四足如柱無指而有爪甲行則先移左足臥則以臂着地其頭不能俯其頸不能回其耳一軀其鼻大如臂下垂至地鼻端甚深可以

開合中有小肉凡能拾針芥食物飲水皆以鼻卷入口身之力皆有於鼻故傷之則死耳後有穴薄如鼓皮刺之亦死口內有食齒兩吻出兩牙夾鼻雄者長六七尺雌者幾尺餘耳交犯則有水中以胸相貼與諸獸不同三年一乳五歲始產六十年骨方足其性能久識嗜芻豆甘蔗與酒而畏烟火獅子巴蛇殺野象多設机穽以陷之或埋象鞋於路以貫其足捕生象則以雌象為媒而誘獲之飼而狎之久則漸解人言使象奴牧之制之以鈞左右前脚罔不如命也

象牙甘寒

治諸鐵及雜物入肉割之乃立出諸物刺咽

服之

癩病一切邪魅及諸瘡世人知然犀可見水怪而

月合藥宜置也凡犀因望月紋生角象聞雷聲則花發牙

西域重象牙用飾牀座中國貴之以為笏象每蛻牙自

埋藏之人以木牙潛易取焉象牙蛻者上地也年者下

換牙者非也

獸類卷三十八

〇七



象膽苦寒明目治疳

其膽隨四時春在前左足夏在前右足秋在左足冬在右足也

寰宇記云象見傷則群黨相扶將去南向跪拜鳴三匝以

木覆之人如以斧斤又刺象其象遁去則半日即合故人象皮燒灰敷金瘡不令合者愈

五雜組云滇人畜象如牛馬然騎以出入裝載糧物而性

尤馴又有作架於背上兩人對坐宴飲者遇坊額必膝行

而過上山則跪前足下山則跪後足穩不可言有賊所劫

者窘急語象以故象即捲大樹於鼻端迎戰而出賊皆一

時奔潰也惟有獨象時為人害則穿而殺之



犀 西音

羯伽 梵書

兕犀 北也下名沙犀

本綱犀狀似水牛猪首大腹卑脚其脚似象有二蹄黑色

今上有刺皮上每一孔生三毛如豕有山犀水犀兕犀二種又有毛犀似之毛犀乃羗牛也

山犀居山林人多得之水犀出入水中最難得並有二角

一有鼻一有額鼻角長而額角短水犀皮有珠甲山犀皮無珠甲

兕犀一名沙犀即犀之孳者止有一角在項文理細膩班白分

明不可入藥蓋牯角文大而特角文細也郭璞謂犀有黃花

紋如魚子形謂之粟紋紋中有眼謂之粟眼黑中有黃花

者為正透黃中有黑花者為倒透花中復有花者為重透

並名通犀乃上品也花如椒豆班者次之烏犀純黑無花

者為下品犀角酸足陽明藥能解一切諸毒中毒箭以犀角刺瘡

中立愈犀角置穴竅不敢歸犀也一切邪鬼也可知癰疽化膿作水

治吐血衄血下血及痘惡症犀角有黑白二種以黑者為勝角尖又勝鹿取茸凡犀

角鋸成當以薄紙裹于懷中蒸燥乘熱搗之應手如粉



故謂翡翠屑金  
人氣粉犀是也

○通天即腦上之角經千歲長且銳白星徹端能出氣通天則通神破水入水水開三尺置屋上烏鳥不敢集夜視有光夜露不濡入藥至神驗

△按犀角從暹羅東埔寨多將來凡長一尺四五寸其蛻角者不佳俗謂之野犀御劑之人



一角

巴阿多  
宇無加布留  
共蠻語也  
疑此稱犀之  
通天者乎

△按宇無加布留俗用一角二字阿蘭陀市舶偶來而為官物尋常難得其長六七尺周三四寸色似象牙而微黃外面有筋晶晶如竿麩至末一二尺細尖而筋亦無

之微曲斜也內有空穴其穴徑四分許價最貴故以白犀角充之其白犀角從文趾來近年是其色白不潤長者尺餘破之如竹有木理外面無筋見其全軀則大異矣

辟塵犀為簪梳帶勝塵不近身 辟暑犀夏月能清暑氣辟寒犀其色如金冬月暖氣襲人 縑忿犀為帶令人去忿怒此皆希世之珍



野牛 牧牛  
竹牛 摩牛  
雙牛

本細犛牛犛牛屬野牛也居深山中狀及毛尾俱同犛牛但犛小而犛大有重千斤者其體多長毛其尾可為旌旄纓帽之用身角如犀故曰毛犀角甚長而黃黑相間以偽犀



角卒莫能辨也角之花斑皆類山犀而無粟紋其理似竹  
 不甚為奇蓋犖之角勝于犗而犗之毛尾勝于犖  
 犖牛如牛而大肉重數千斤又名犖牛  
 犖牛色青黃與蛇同穴性嗜鹽人裹手塗鹽取之其角  
 如玉可為器  
 海牛形似牛鬣脚筋毛其皮甚軟脂可燃燈一名潛牛  
 山牛狀如牛而角有枝如鹿茸  
 月支牛出大月氏國今日割取肉明日其創即復合也  
 以上五種亦野牛之類也



本綱牦牛乃野牛也人多畜養之狀如水牛體長多力能

牦牛 音毛

犖牛犖牛

載重迅行如飛性至粗梗髀膝尾背胡下皆有黑毛長尺  
 許其尾最長大如斗亦自愛護草木鈎之則止而不動今  
 人以爲纓帽毛雜白色者以茜染紅色  
 三才圖會云天子車在纛以牦牛尾爲之  
 △按野牛自中華來於肥州長崎偶有之不蕃息



野豬

野、猪、イ

和名久佐  
 井奈阪  
 俗云井乃  
 之

本綱野豬有深山形如豬但腹小脚長毛色褐或黃作羣  
 行牙出口外如象牙其肉有至二三百斤者能與虎鬪或  
 云能掠松脂曳沙石塗身以禦矢也最害田稼亦啖蛇虺  
 獵人惟敢射最後者若射中前者則散走傷人  
 肉甘平治癩癩補肌膚益五臟青蹄者不可其肉赤如馬



肉食之勝家猪牝者肉更美

△按野猪怒则背毛起如针颈短不能顾左右觸牙者無不摧破如為獵人被傷去時人詈謂汝卑怯者益還乎則大忿怒直還進對合與人交勝負故壁之猛勇士惟突傷鼻及腋則斃

獺婦獸 出嶺南似山猪而小善害田禾惟以機軸紡織之器置田所則不復近也



野馬

本細野馬似馬而小今甘肅州及遼東山中亦有之取其皮為裘食其肉云如家馬肉但落地不沾沙耳

駒駝 北地有獸狀如馬色青名曰駒駝此亦野馬類也

△按山馬皮自中華多來其皮比鹿麂等更厚而肌不密最劣以作裘及鞮為下品



豪猪

山猪 高猪 獺 獺猪 獺猪

俗云也未阿良之

本細豪猪深山中有之多者成群害稼狀如猪而項脊有棘鬣長近尺粗如筋其狀似笋及帽刺白本而黑端怒則激去如矢射人自為牝牡而孕也人取其刺毛以為簪令髮不垢或以其皮為鞮其肉寒甘大有毒  
△按豪猪自外國來畜之以異毛賞之耳





熊 雄音

和名久萬

本細熊生山谷如大豕而豎目人足黑色性輕捷好攀緣  
 上高木見人則顛倒身投于地冬蟄入穴春乃出春夏臙  
 肥時皮厚筋弩每升木引氣或墮地自快俗呼跌臙冬月  
 蟄時不食饑則舐其掌故其美在掌謂之熊踏其行山中  
 雖數千里必有踉伏之所在石巖枯木謂之熊館其性惡  
 穢物及傷殘捕者置此物于穴則合穴自死或為棘刺所  
 傷出穴爪之至骨即斃也性惡鹽食之即死又云熊居樹  
 孔中人擊樹呼為子路則起不呼則不動也  
 能膽苦寒治時氣熱盛變為黃疸者暑月久痢心痛治諸  
 疴驚癩瘰癧退熱清心平肝明目惡防犯地黃

膽春近首夏在腹秋在左足冬在右足熊膽多偽以米和  
 許點水中運轉如飛者真餘亦轉但緩爾又真者善辟塵  
 試之以淨水一器塵幕其上投膽米許則凝塵豁然而開

△按熊在深山中出於松前者最多全體黑而胸上有白  
 毛如偃月俗稱月輪常以手掩之獵人窺其月輪刺之  
 則斃若不然則挫刀鎗其強勢不可敵也其生子也甚  
 容易以自手扒出故人用熊掌置臨產傍亦取安產之  
 義矣

陳眉公秘笈云熊得人輒搔人喉若腋令笑人伸舌舐  
 面血以為快人屏氣陽乃棄去還視之再三人蘇欲起  
 逃去追而扼之山民習其狀能脫于死  
 近頃於津輕山中捕一大熊其掌徑三尺九一尺許體  
 毛脫兀希有之大熊也凡熊膽春夏則瘦小黑色帶黃  
 秋冬則肥大而深黑色也取之有數品鐵砲擊取者隔



阱生捕者並膽全追捕者次之穴捕者又次之於木  
能仍殺之謂之穴捕以勞倦其膽瘦劣也試法點水  
 運轉徹底為一線黃黑先色其味苦微辛甘氣腥也猿  
 膽亦為線然不能運轉且亦黑色而不光味苦氣惡也  
又偽作者有數品  
 熊膽膜有八重穿取其膽肉盛身肉造成者難辨  
 又有墨與油和煎潔紙為袋別用熊骨黃栢五倍子種  
 濃煎為膏盛件袋晒檐間如鉤梯漸乾而推扁作之  
 熊皮造泥障坐褥及鞞袋等賞之正黑色美亞干獵虎  
 其黃白色者最珍



人熊 馬熊  
 和名之  
 蓋白熊畧稱也

本細罷似熊而大色黃白其頭長脚高猛愍多力能拔樹  
 木虎亦畏之遇人則人立而攫之故俗呼為人熊蓋熊罷  
 壯毅之物屬蜀陽故書以不二心之臣譬之

醜音本細醜似熊而小色黃赤或呼為赤熊蓋熊罷  
 醜三種一類也如豕色黑者熊也大而醜黃白者罷也小而色黃赤者醜也



麇羊  
 和名加萬之俗云介又  
 九尾羊 麇羊

本細麇羊似羊而青色毛粗兩角短小有節大如入手指  
 又有一角者常獨棲懸角於木枝不着地而夜宿以遠害  
 可謂靈也故字從靈角有其掛痕其角極堅能碎金剛石  
 金剛石出西域狀如紫石英百鍊不消物莫能擊惟羴羊  
 角扣之即自然水泮也又羴骨偽充佛牙物亦不能破用

和名三才圖會 狀類 卷三十八



此角擊之即碎皆相畏耳其皮以作座褥  
角鹹寒或云苦寒入肝經甚捷羊屬火而同氣相求也明自治  
小兒驚癇大人中風搖蕩等肝膽之病又能噎塞不通  
并肩為未飲方寸七辟邪氣不祥解諸毒  
肉甘平治惡瘡強筋骨免蛇蟲毒

按廬羊似羊及鹿而灰青色腹白微黃眼畧大也於吉  
野山中捕之畜養而不食穀肉等未知常所好食者試  
投諸草及菓子止食榧葉竹嫩葉薊葉而不多食故難  
育其尿亦如鹿尿

### 山驢

身似驢角似羴羊但稍大而節踈慢耳尾似馬  
有岐蹄用其角偽羴羊一名輪



### 山羊

マヤウリ 野羊 羴羊

サンヤン

本細山羊群散在原似羴羊而色青大如牛善鬪至死其  
角長惟一邊有節節亦踈大不入藥用堪為鞍橋其皮厚  
硬其肉頗肥有大小二種大者角盤環肉至百斤



### 鹿

鹿音 班龍 麀牝 麋牝 麋牝 麋牝 密利迦羅書

本細鹿山林中有之馬身羊尾頭側而長高脚而行速  
遊龍相戲必生異壯者有角夏至則解大如小馬黃質白



班牝者無角小而無班毛雜黃白色孕六月而生子性淫  
一牡常交數牝性喜食龜能別良草食則相呼行則同旅  
居則環角外向以防害臥則口朝尾閤以通督脉鹿乃仙  
獸自能樂性六十年必懷璫于角下班痕紫色行則有涎  
不復急走故曰鹿載玉而角班魚懷珠而鱗紫鹿千歲為  
蒼又五百歲為白又五百歲為玄瑞應圖云鹿者純善之  
獸王莽則白鹿見

△按鹿多淫而牡夜鳴喚牝秋夜最頻又出田圃食穀菽  
獵人以鹿角根及胎鹿皮或蝦蟇皮作笛吹偽牝鹿之  
音牡甫畝來竟罹殃或入陷穿來但蝦蟇皮之笛則鹿多  
又夏月腰鐵籠焚火狀似松明鹿見火太喜來竟為人  
所殺謂之照射性怖人不醫不觸如被逐迫則以後足  
彈力甚強如捉兩角相推則人難勝捉片角捏則鹿直  
也鹿為春日神使奈良人家多狎如雞犬春日特食鹿

鹿肉 甘溫 補中益氣力強五臟九月以後正月已前鹿常

能別良草止食葛花葛葉鹿葱鹿藥不食他草乃仙獸  
純陽多壽之物故其肉角有益於人無損按多食鹿

鹿茸 壯筋骨生精補髓養血益陽治一切虛損蓋古  
角既解新角初生時如紫茄鹿角解陰陽相及如此

稍長四五寸形如分岐馬鞍茸端如瑪瑙紅玉破之肌  
如朽木者最善鹿茸不可入以鼻嗅之中有小白蟲視

△按鹿茸和名鹿乃知加茸字俗以為葶菌之字鹿  
角初生相似未開茸故然矣長二三寸不尖不堅者為

良以猿尾鹿尾偽之本州必讀云鹿角初生為茸至堅  
老成角不過兩月之久其發生之性雖草木易生者未

有速於此者其補益於人又豈有過於此物乎  
鹿角鹹溫生用則散熱行血消腫辟邪熟用則益腎補虛

強精活血



鹿角霜 同膠 補中益氣治腰痛吐血下血婦人血閉無子

者懷姙安胎久服輕身延年

者作法 宗云 醫 新鹿角三對每對各長二寸截之取長

流水浸三日刷淨垢土每角一斤用楮實子一兩桑白

皮黃臘兩各二入鐵鍋水煮三晝夜慢火不可少停水少

則添熱湯冷水日足取出角以脆為度削去黑皮薄

切曬乾碾為末名鹿霜也 其餘干鍋中水慢火再熬

成膠名鹿膠也 本草之說 今自中華來鹿角膠形圓而

押朱印云世醫製鹿角膠

造玉法 以鹿骨角為屑浸醋四五日用其醋煮熟之半

日取出入朱和調作珠形以贗珊瑚又欲青色則用綠

青漆成 鯨骨削成 漆色 鹿皮 布一切漏瘡 燒灰和猪脂納之

△按鹿皮作革以作鼓鞞鞞裘等其用最多但後鹿皮薄

小而肌不濃也凡暹羅東埔寨咬啣吧太泥太完等西

南夷每羊所來鹿皮野馬皮鹿皮等大約二十余方故  
以暹羅鹿麋之皮為最上其野馬皮肌厚麋而為最下



麋

音 眉

和名於 保之加

麋子

麋牡 麋牝

本綱麋海陵間最多千百為群多牝少牡乃鹿屬也牡者  
有肉鹿喜山而屬陽故夏至解角麋喜澤而屬陰故冬至  
解角麋似鹿而色青黑大如小牛肉蹄目下有二穴數為夜  
目今獵人多不分別往往以麋為鹿

麋角 屬陰故治腰膝不仁補一切血病若平心

痛一服立瘥 鹿之茸角補陽右腎精氣不足者宜之  
麋之茸角補陰左腎血液不足者宜之

雙頭鹿

又名茶首札本綱似鹿前後有頭一頭食  
一頭行山人時或見之







一種有銀麀，白色云。玉者刑罰中理則出之。古今注云：鹿有角不能觸，麀有牙不能噬。三才圖會云：麀之性怯，飲水見影無不驚奔，故人食其心者多惟怯，不知所為。

△按麀皮自暹羅來名美，止里或稱奈禮阿比者，乎以為韞縠軟美為最上。



麀

射父 香麀  
莫訶婆伽 梵書  
其香氣遠射  
故字从射

本綱麀似麀而小，黑色故名。香麀，陝西益州雍州秦州出。西北者香佳，出東南者次之。山谷在之常食柏葉及蛇，其香正在陰莖前皮內，別有膜袋裹之。夏月食蛇蟲多，至寒則香滿入春臍內，急痛自以爪剔出，着尿溺中覆之，常在。

處不移，人以此獲之，其性絕愛其臍，為入逐急，即投巖，舉爪剔，裂其香就繫而死。猶拱四足保其臍，其自剔出者極難得，價同明珠。其香聚處遠近草木不生，或焦黃也。帶香過園林，則瓜果皆不實。今人以皮膜裹之多偽，凡真香丁子分作三四子，刮取血膜，雜以餘物，以四足膝皮而貨之，但破看一片毛共在聚中者為勝。今人以蛇悅皮裹香，稱香是相使也。

麀香 辛温 辟惡氣邪鬼 温瘧驚癇 心腹暴痛 痞滿 佩之或置枕間 辟惡夢 鎮心安神 患癩久帶其香 透關令人成 異疾 又忌大蒜

△按三才圖會云：麀如小鹿，有虎豹之文。今商汝山中多群也。字彙亦曰：有虎豹文，蓋黑色有豹文者，乎文祿三年七月，泉州堺商賈納屋助左衛門到呂宋國，還得麀二匹，獻之關白秀吉公。象退牙犀，退角麀，退臍皆輒藏覆，知自珍也。今所渡麀香。



雲南者為上，東京者為次，福州、南京又次之。有真偽數品，難明。大抵麝香為最上，有皮膜裹之，一箇重自五錢可八錢。一種無皮膜，如煉粉者，名曰傳深麝香，其赤黑色，而有乾者，有濕者，其香亦有異同。相傳鯨屎或朽木為末，同麝臍盛罌置陰處，經歲月，拔取臍，冷香傳深最下品也。臍揉碎與木粉和合者，為中品。真臍揉碎者，名臍傳深，是為上品。試法：燒火無灰，其香不變者，真也。谷響集云：忌佛前焚麝香，見于攝真實經。



靈貓

俗云麝香貓  
靈狸 香狸  
神狸 類

本綱靈貓在南方山谷，狀如狸，其文如金錢豹，有髦，自能為乳，壯自孕而生，故食之者不如其陰，糞溺皆香，如鹿茸功

亦相似

△按靈貓 俗云麝香貓 咬啣吧及天竺有之 似貓大尾 麝臍類

一種有麝香鼠鼯類 一種有麝香木 大明一統志云 真臘國有麝香木 其木氣似麝臍香



貓

音 家狸  
金花貓 出月  
義者也

ミヤウ

和名 赤古萬

本綱貓其名自呼捕鼠小獸也。有黃黑白駮數色，狸身而虎面，柔毛而利齒，以尾長腰短，目如金銀，及上齒多稜者，為良。其睛可定時，寅申巳亥如滿月，其時時暗形變也。其鼻端常冷，惟夏至一日則煖，性畏寒而不畏暑，能畫地上，食隨月旬上下，齧鼠首尾，皆與虎同。其孕也兩月而生，一乳數子，但有自食之者，俗傳此貓無壯，但以竹箒掃背。



數次則孕或用斗覆貓於甕前以刷帚頭擊斗祝甕神而求之亦孕此與以雞子祝甕而抱雛者相同俱理之不可推者也貓有病以烏藥水灌之甚良世傳薄荷醉貓死貓引竹物類相感然耳

貓屎 諸蟲入耳滴入之即出取尿法以薑或蒜擦牙鼻或生葱舂鼻中即遺出

万寶全書云貓純黃純白純黑者佳

△按猫春牡喚牝秋牝喚牡而乳大抵春秋二度生子秋子多難育性畏寒也凡六十日而產生一七日始開眼經三旬始自食飯其吸乳之間糞溺皆由母猫舐之過一月半猫重可十兩則離乳能育凡十有余年老牡猫有妖為災者相傳純黃赤毛者多作妖惟於暗室以手逆撫背毛則放光或舐油者是當為怖之表也凡犬每嫉猫噬殺不欲吃其肉止殺棄耳不如猫嗜鼠也

凡病猫用烏藥或生硫黃汁或鯪魚泥鱗天葵子皆能治又方用胡椒末為水猫雖若其辛味能愈甚神但捉頭引上之露脚爪者不治如雙則灸尾根立愈猫食鳥貝之腸則耳缺落往往試之然

三才圖會云猫耳經捕鼠後則有缺如鋸如虎食久而鋸耳也酉陽雜俎云猫洗面過耳則客至其黑猫關中逆循其毛若火星



狸

音

和名太  
奴木

たぬき 野猫 獺子

木綱狸有數種大小如狐毛雜黃黑有斑其足踏其跡風貓狸如貓而圓頭大尾善竊雞鴨其氣臭肉不可食虎狸有斑如驅虎而尖頭方口善食鼠果實其肉不



臭可食

九節狸 似虎狸尾有黑白錢文相間其皮可供裘領

玉面狸 尾似牛 南方間有之白面而尾似牛專上樹木

食百果冬月極肥其肉藏糟珍品又捕窟之鼠帖伏不

敢出也

玃 似貓狸而絕小黃斑色居澤中食蟲鼠及草根

又靈貓 香狸 狸之屬也 各條 又登州島上有海狸狸頭而

魚尾也

狸肉 甜平 治痔及鼠瘻作羹雁不過三頓甚妙 凡食狸可

△按狸有數種而淡黑色背文如八字者名八文字狸皆

脚短而走不速登樹甚速其元夏則與卑下冬則與高

上老狸能變化妖怪與狐同常竄土穴出盜食果穀及

雞鴨與猫同屬故名之野猫或鼓腹自樂謂之狸腹鼓

或入山家坐爐邊向火乘暖則陰囊垂延廣大於身也

狸皮可為鞞



風狸

フシリイ

風母 平猴

風生獸 狛狛

加世大奴木

本細風狸大如狸如獺其狀如猿猴而小其目赤其尾短

如無其色青黃而黑其文如豹或云一身無毛惟自鼻至

尾一道有青毛廣寸計長三四分其尿如乳汁其性食

蛛亦啖薰陸香晝則踞伏不動如蟻夜則因風騰躍其捷

越巖過樹如鳥飛空中人網得之見入則如羞而叩頭乞

憐之態人搥擊之倏然死矣以口向風須臾復活惟碎其

骨破其腦乃死一云刀斫不入火焚不焦打之如皮囊雖

鐵擊其頭破得風復起惟用石莒蒲塞其鼻即死也

△按風狸嶺南山林中多有而未聞在于本朝

如漢三才圖會

獸類 卷三

三





狐

胡音

射于俗稱

和名抄狐木  
豆稱射于也  
關中呼為野  
于語則蓋  
等語則蓋

本細狐北方最多今江南亦有之江東無之形似小黃狗而鼻尖尾大日伏于穴夜出竊食聲如嬰兒氣極躁烈其性疑疑則不可以合類故狐字從狐常疑審聽故捕者多用罾蓋妖獸鬼所乘也有二德其色中和小前大後有黃黑白三種白色者尤稀尾有白錢文者亦佳其腋毛純白謂之狐白共毛皮可為裘狐死則首在狐善聽水或云狐有媚珠或云狐至百歲禮北斗變為男婦以惑人又能擊尾以出火或云狐魅畏狗千年老狐以千年枯木燃照則見真形犀角置穴狐不敢歸凡狐魅之狀見人或又手有禮或祇揖無度或靜處獨語

或裸形見人也

狐肉甘溫

狐膽臘月

狐血

置舌下含之令人不醉

治瘡疥補虛損及五臟邪氣作腫或生作膾食但可去首  
治人卒死臘月狐溫水研灌入喉即活移時者無及矣  
解酒毒以狐血漬黍米麥門冬為丸飲時以一九

△按本朝狐諸國有之唯伊豫讚岐四國無之耳凡狐多壽經數百歲者多而皆稱人間之俗名如大和源九郎

是相傳狐者倉稻龜之神使也天下狐悉參仕洛之稻荷社矣人建稻荷祠而祭狐其所祭者位異于他狐凡

狐患則聲如兒啼喜則聲如壺敲性畏犬若犬逐之窘迫則必屁其氣惡臭而大亦不能近之將為妖必載體

體拜北斗則化為人見于陳眉或惑人報仇亦能謝恩好

小豆飯油熬物

試狐魅其邪氣入肩脇皮膚間必有塊診其脉浮沉不



定其按指多震也能察之者刺火鍼則去或先疑似之間煎檉葉令服之狐妖者不曾吃真病者雖嫌臭味而能吃

狐有花山家能勢家之一派相傳云往昔有狐狩老狐將捕急逃隱花山殿乘輿中乞赦遂得免矣能勢何某亦雖時異而助死之趣相同共狐誓曰至子孫永宜謝厚恩也自此于今有狐魅人則以二家之符置閨傍乃魅去平愈其因約人亦可愧也又能守死如有入生剖狐腹取膽然不動不目逃刻盡臟腑後死此乃首丘之理乎

三才圖會云狼古淫婦所化其名曰紫善聽水河水合時聽水下無聲乃行

相傳近衛帝有侍女名玉藻會帝不豫醫療無効使安倍泰成禳之占以為玉藻之障碑即令玉藻持幣祝之玉藻怖捐幣而去化為白狐入下野那須野害人多於

是使義純三浦廣常介驅之狐又化石殺生石是也詳于下野國

信州諏訪湖水冬月水合而人馬行水上春水漸解往來止其始行也始止也皆窺見狐往來為的

三才圖會云北山有黑狐即神獸也王者能致太平則見四夷來貢周成王時嘗有之

元明天皇和銅伊賀獻黑狐銅五丹波獻黑狐元正天皇靈龜遠江獻白狐養老甲斐獻白狐皆以為祥瑞

玄中記云狐五十歲能變化百歲為美女為神巫為丈夫與女子交接千歲能知千里外事即與天通為天狐

五雜組云齋晉燕趙之墟狐魅最多然亦不為患北人往往習之亦猶嶺南人與蛇共處也狐千歲始與天通不為

魅矣其魅人者多取人精氣以成內丹然則其不魅婦人何也曰狐陰類也得陽乃成故雖壯狐必托之女以惑男

子也然不為大害南方猴多為魅狐托於人也強氣者則不能托蓋邪氣乘虛入之謂也



初如傷寒瘡癩類但謔語有異耳以咒術靈符禳之則  
 病人言語宿意此乃將去之表也既解去時忽倒臥熟  
 睡一二日勿呼起有身痛則安



貉

音鶴

與權同穴異  
 處故字從各  
 說文作𧔉  
 和名無  
 之奈

本細貉生山野間狀如狸頭銳鼻尖班色其毛深厚溫滑  
 可為裘服日伏夜出捕食蟲物出則權隨之其性好睡人  
 或見之以竹叩醒已而復寐故人好睡者謂之貉睡又言  
 其非好睡乃耳聾也故見人乃知趨走  
 △按日本紀推古帝五年陸奧有貉化人以歌之



猪

音端

權純  
 猪子  
 和名美

本細猪山野間穴居狀似小猪形體肥而行鈍其足踏  
 蹄者足其跡風頭跡也其耳聾見人乃走短足短毛尖喙  
 褐毛頭連尾毛一道黑能孔地食蟲蟻凡果其肉帶土氣  
 皮毛不如狗獾  
 肉甘酸治水脹久不瘥垂死者作羹食下永大効野獸  
 美益瘦人





權

音歡

狗權 獾同

天狗

本細權狗權獾猪權二種相似而畧殊似小狗而肥尖喙  
矮足短毛深毛褐色其皮可為裘領食虫蟻凡果  
三才圖會云權與貉同穴居權之出入以貉為導其皮可  
以禦風



木狗

モウク

玄豹

モツケウ

本細木狗在廣東山中形如黑狗能登木其皮為衣褥能

運動氣血元世祖有足疾取以為袴人遂貴重之此前所  
未聞也又蜀川西有玄狗大如狗黑也尾亦如狗其皮作  
裘褥甚暖冬月遠行用其皮包肉食數日猶溫彼土亦珍  
貴之此亦木狗  
△按疑此獵虎之屬乎獵虎見



豺

音儕

俗云也 未以奴

マキウ

豺狗

本細豺處處山中有之狼屬也似狗而頗白前矮後高而  
長尾其體細瘦而健猛其毛黃褐色而鬣鬣其牙如錐而  
噬物群行虎亦畏之喜食羊其聲如犬人惡之以為引魅  
不祥其氣臊臭可惡世傳狗為豺之舅見狗輒跪亦相制  
耳月令云九月豺乃祭獸可謂才矣故字從才



△按豺俗云狀似狗而以足有蹠如狼足為異山行人怖之甚於狼



狼

毛狗 獾子  
 狼北 徽子  
 和名於 保加美

本綱狼處處有之豺屬也穴居形大如犬而銳頭尖喙白  
 頰駢脇高前廣後脚不甚高能食雞鴨鼠物其色雜黃黑  
 亦有蒼灰色者其聲能大能小能作兒啼以魅人其久鳴  
 其腸直故鳴則後竅皆沸而糞為烽炮直上不斜其性善  
 顧而食戾踐藉老則其胡如袋所以跋胡竟尾進退兩患  
 其象上應奎星駢音緹聯也與駢同謂助背連也  
 肉鹹熱 補益五臟厚腸胃腹有冷積者宜食狐味  
 狼牙佩之辟邪惡氣 狼喉壓治噎病月乾為未每半食之妙

狼皮暖人辟邪惡氣 狼尾繫馬胸前辟邪氣令馬不驚

月陽 西の平ニ虎狼毛何クハ人の口ニ入ルニハ汝坊也

△按狼春夏出山家竊食鳥獸及人物秋冬穴居性能知  
 機若欲獵則深匿不出四趾有蹠而能涉水或擊砲火  
 繩之氣則遠避去夜有行人跳越其首上數回人如恐  
 怖轉倒則噬食稱之送狼敵不怖又無害 故行山野人常  
 携火繩也狼見人屍必跳超其上尿之而後食之

五雜組云江南多豺虎江北多狼狼雖猛不如虎而貪殘  
 過之不時入村落竊取小兒銜之而趨豺凡遇一獸逐之  
 雖數晝夜不舍必得而後已故虎豹常以比君子而豺狼  
 比小人也

狼狼 狼前二足長後二足短狼前二足短後二足長狼  
 無狼不行狼亦無狼不行若相離則進退不得

△按二物相依賴者蟹與蛭蛭鼠蝦與水母 蟹與水母  
 與黃栢部 木狼與狼亦然矣而狼未知其何物





黑青

震澤長語云大明成化十二年京師有物如狸如犬倏然如風或傷人面噬手足一夜數十發負黑氣來俗名黑青  
 △按元祿十四年和州吉野郡山中有獸狀似狼而大高四尺長五尺許有白黑赤皂彪斑之數品尾如牛蒡根銳頭尖啄牙上下各二如鼠牙齒如牛齒眼豎脚大而  
 有蹊走速如飛所觸者傷人面手足及喉遇之人俯倒則不噬而去用銃弓不能射之用併取得數十而止俗名誌蓋黑青之屬乎



樽杓

たぐら

倒壽

タグキ

頑凶而無疇匹曰樽杓此獸然故名之乎

三才圖會云樽杓一名獸之至惡者好鬪至死不却西荒中獸也狀如虎毛長三尺餘人面虎口牙下丈八尺獲久食之獸鬪終不退却惟而已

猥

音萬

二才圖會云猥獸之長者猥挺以其長故从曼从延大獸而似狸長百尋  
 字彙云龜似狸而大立秋日祭獸一名猥

猾

音滑

本綱曰海中有獸名曰猾其髓入油中油即活水不可救止以酒噴之即滅不可于屋下收故曰水中生火非猾髓而莫能也  
 猾中亦能生火

△按猾不載形狀蓋樽杓猥猾之類本朝未曾有之物





兔 土音

明脉 婉子 舍迦 梵書

和名 宇 佐木

本綱兔處處有之為食品之上味大如狸毛褐形如鼠而尾短耳大而銳上唇缺而無脾長鬚而前足短尻有九孔跌居橋捷善走故雄豪而孕五月而吐子或謂兔無雌而免以孕者免目不瞬而瞭然嗷嗷免者明月之精入藥可免以潦為醃醃以早為免焚惑星不明則雉生兔

似兔而大青色首與兔同足與鹿同

兔肉 甘寒 補中 益氣 止渴 去兒 脫豆 瘡 凡食兔可去尻八芥橘及雞肉 忌與兔同食

兔血 鹹寒 涼血 活血 催生 易產 解胎毒 不患痘瘡 兔腦髓 又催生神藥 以上藥方見本草附方 生塗 皸凍 瘡 能治

兔皮毛 臘月 收之 治難產及胞衣不出餘血搶心脈刺欲死者極驗 煖酒服 兔毛敗筆 煖灰 治小便不通及產難

△按兔善走如飛而登山則愈速下山則稍遲所以前足短也每雖熟睡不閉眼黑睛瞭然

傳燈錄云兔渡川則浮馬渡及半象徹底截流 宋史云王者德盛則赤兔見王者敬者老則白兔見然今每白兔有之北國之兔白者多稱越後免者形小而潔白可愛每食蔬穀而能馴尋常之兔性狡而難馴

加ハウヒ 水狗

水獺

シネタ

和名 宇曾 今云川宇 曾別有海 宇曾山 宇 別之

本綱水獺江湖多有之狀似小狐而毛色青黑若故紫





似狗，層如伏翼，長尾四足，俱短，頭與身尾皆扁大者，身與尾長三尺餘水，右食魚能知水信，為允，鄉人以占潦旱，如鵲巢知風也。正月十月獺兩條魚，知報本及始也。熊食鹽死，獺飲酒而斃，是物之性也。今漁舟往往馴畜，使之捕魚，獺即獺之大者，頸如馬，身似蝙蝠，或云獺無雌，以獲為雌，故云獲鳴而獺候。

獺肉甘鹹 治夜氣溫病及牛馬時行病，女子經脈不通。

大小便秘但熱症宜

獺肝甘溫有毒 但諸畜肝葉皆有，定數惟獺肝，一月一葉。

十二月十二葉，其間又有退葉，用之者須驗治虛勞咳嗽，傳尸病。

以肝一具，陰乾為末，水服。

獺膽苦寒 治眼翳黑花飛蠅，上下視物不明，入點藥中也。

又以獺膽塗盃唇，使酒稍高于盃面。

△按獺溪澗池河之淵灣，或巖石間為穴，出食魚遊水上，時以砲擊取之，性捷勁，牙堅，故闔天却喫殺犬，或云若

鯧變成獺，故獺胸下亦有肉白，又鯧變成獺，但鯧變者口圓，鯧變者口扁也。以有鯧變者，則海魚若謂正海獺，乃鯧之變，溪湖獺乃鯧之變，則可矣乎。俗說也。

獺皮 作褥及履屨，產母帶之，易產而毛甚柔軟，微似獾虎。



海獺

川獺海獺山獺 之一種有之 即是此云海獺也 重出千後

本網海獺生海中，似獺而大如犬，脚下有皮如疥，梅毛着水不濡，頭如馬自腰以下似蝙蝠，其毛似獺大者五六寸，小者三四寸，食又有海牛海馬海驢等皮毛，在陸地皆候風，漸猶能毛起。


△按海獺處處有海中狀獸，與魚相半者，其大者六七尺，頭面至肩類牝鹿，而耳小眼大，有利齒背身毛細密而



短微赤土器色美而鬚末黑似手是以下腹大肥尻窄有尾長二寸許似鱷尾而黑夾尾有鬚黑色縱有五野近前一寸許更有黑刺人欲之行則開擴之以為足出肩以上於水面則似獸也欲潛游則窄伸之如魚尾然

### 山獺

一名神麴出廣州其性淫毒山中有此物凡此獸皆避去其陰莖以為補助要藥然不載形狀



海鹿

△按海鹿即海獺也但本草謂頭如馬者麇耳紀列有海鹿島多群居每好眠上島上齟睡唯頭檢四方若漁舟來則誘起悉轉入水中潛游甚速而難捕其肉亦不

阿之加

甘美唯熬油為燈油耳西國處處亦有之其聲畧似犬如言於宇蓋海獺海鹿一物重出備考合

集我...

骨納 海狗

### 膾膾膾

膾膾膾 三字同 胡人呼之曰 阿慈勃他倫



本細膾膾膾諸說區多女直國撒馬兒罕朝鮮突厥國等北海有之又如三佛齋國南海亦有之毛色似狐尾形似魚足形似狗而無前兩足呼其外腎曰膾者連膾取之也膾膾膾大補中益腎氣暖腰膝又治驚狂癩疾

△按膾膾膾與州松前海中有之大者二三尺全體魚類而有毛乃此魚與獸半者矣頭似貓而口尖有眼鼻而無耳垂止有小孔其齒上一行下二行相雙長短齟齬其



尾有岐如金魚尾而黑色端各有五岐其表中間有三  
針而堅似此其毛色似鼬毛而根稍黑無手足而近尾  
兩脇有鱗蹠而黑色宛如足然此鱗而非足本草諸註  
為有足而無前足者未見生者憶見之誤也有牡牝難  
辨以外腎有無別之其外腎長四五寸大如小指陰乾  
黑色性好睡眠土人以小者最美賞之五六月生子此  
時泛海上食小鱗蓋外腎連臍取之說亦不然矣凡狗  
食之則毛脫皮爛至死以可知性大溫也其小者名而  
毛悉平虛寒人食其肉暖腰足松前人以為美饌猶是  
肥前人嗜鼈也



### 胡獺

海鹽 天木集  
別有海鹽與此不同  
胡者夷之名獺者大獺之名也  
俗云登土

△按胡獺松前海中有之形色氣味共似膾膾獸而大也  
但以齒辨之膾膾下齒如季新好眠常寢於水上亦奇也  
本草所謂海獺前出於一類于蓋海獺膾膾阿茂悉平胡  
獺之四種同類異物也特以膾膾人賞之故以胡獺為  
充膾膾獸

本草 我志六の海をわたりてのききなりを獺と云ふ

わさし

和名阿左良之

### 水豹



本細豹有水陸二種而海中豹名水豹文選西京賦謂搃  
水豹者是也

△按蝦夷海中有水豹大四五尺灰白色有豹文剥皮販  
于松前其皮薄毛短而不堪用



精倫司  
藥場

本草綱目卷之二十一  
獸類 卷之三十一  
三十一



獵虎

正字未詳

△按獵虎蝦夷島東北海中有島名獵虎島此物多有之  
 常入水食魚或出島奔走疾如飛大如野猪而頸短亦  
 似猪頸脚矮島人剥皮待蝦夷人交易其毛純黑甚柔  
 軟左右摩之無順逆有黑中白毛少交者為官家之襪  
 其美無比之者價最貴重也其全體無見生者人以皮  
 形察之耳其皮送長崎而中華人爭求疑此本州細目  
 所謂木狗之屬也木狗見

衿豆布

△按此亦蝦夷海中有之大四五尺黑色  
 毛短疎其皮薄不堪為襪止為毛履或為  
 鞞飾亞熊障泥然不上品



